

莆陽比事
遊志續編

江蘇古籍出版社

肉


卷

別

藏

遊志續編

江蘇古籍出版社



四庫未收書提要

擘經室外集卷三

遊志續編二卷提要

元陶宗儀撰宗儀有國風尊經四庫全書已著錄是編繼宋陳仁玉遊志而作所載多唐宋元人遊覽之作自樊宗師柳公權元結而下凡四十有八家選擇精審並足以資考證書中有存其目而其書未經採入者若李格非之洛陽名園記范至能之驂鸞錄吳船錄後人遂疑為未成之書案朱彝尊云宗儀所著各書有裨史學此其一也

遊志續編目錄

南村居士陶宗儀九成

卷上

絳守居園池記

樊宗師

蓮花峰

柳公權

七泉銘序

元結

石魚湖詩序

陽華巖銘序

朝陽巖銘序

九疑圖序

右谿記

寒亭記

題趙千里述古圖

鄭天民

遊玉華山記

張嶠

卧遊錄

六條

呂祖謙

玉礪雜書

五條

葉夢得

洛陽名園記

未抄

李格非

驂鸞錄

未抄

范至能

吳船錄

未抄

桂海虞衡志

楚樂亭記

鄭獬

閔古泉記

陸游

南園記

率會

呂希哲

西征記

盧襄

西京隱居記

康譽之

會友人游山檄

林昉

隱趣

韓流

遊洞靈詩序

尤袤

百丈山記

朱熹

東郭居士南園記

黃庭堅

遊信州玉山小巖記

曾鞏

武昌九曲亭記

遊韓平原故園

□□□

游西山記

劉祁

游林慮西山記

遊龍山記

麻革

北使記 劉祁

西遊記 顧文淵

鑑湖上已分韻詩序 鄧牧

西湖上已分韻詩序

白鹿山房記

鳳洲觴詠序 俞鎮

卷下

石臺紀遊序 黃潛

楊氏池堂宴集詩序 戴表元

重遊杜曲靈巖詩序 陳德永

遊虎邱山詩序 王蒙

竹林宴集詩序 劉基

謝氏北墅八詠序 孫作

東園十三詠序 錢惟善

遊石湖記 楊維禎

遊玉峯詩序

桃園雅集圖志

遊分湖記

遊張公洞詩序

遊橫澤記

遊千山記

續蘭亭詩序

劉仁本

小孤山一柱亭記

虞集

國子監後園賞梨花樂府序

吳張高風詩序

逍奧山人詩序

陳堽衡

紀遊

鄭元祐

九峰春遊序

楊基

游機山記

貢師泰

游千山記

桃花磯脩楔詩序

宋濂

平福堂記

劉會孟

宛溪南遊詩序

戴表元

志遊

王逢

臯亭行記

游超山龍湫記

海上遊記

楊景義

金華北山游記

吳師道

北山後遊記

婁敬洞記 王蒙

遊山記 貝瓊

遊鍾山記 宋濂

遊鍾山記 孫作

遊采石蛾眉亭詩序

合翠亭記

游冶亭記 孫作

游山詩序

遊志續編卷上

南村居士陶宗儀九成

絳守居園池記

樊宗師

絳即東雍為守理所稟參實沈分氣蓄兩河潤有陶唐
冀遺風餘思晉韓魏之相剝剖世說揔其土田士人令
無硤雜擾宜得地形勝瀉水施法豈新田又蒙猥不可
居州地或自有興廢人因得附為奢儉將為守悅致平
理歟抑侈心耗物害時歟自將失敦窮華終披夷不可
知陣婢汝孤顛跢口倔渠元武踞守居割有北自甲
辛苞大池泓橫硤旁潭中癸次木腔瀑三丈餘涎玉沫

時恨胡島

珠子午梁貫亭曰洄連虹霓雄雌穹鞠觀蜃

坻淹淹委委莎靡縵蘿薔翠蔓紅刺相拂綴南連軒井

陣中湧曰香承守寢睥思西南有門曰虎豹左畫虎搏

立萬力千氣底發翫匿地努肩腦口牙快抗電火雷風

黑山震將合右胡人翦黃帑於纍珠丹碧錦襖身刀囊

韞撾緇白豹元斑飲距掌胛意相得東南有亭曰新前

含領曰槐有槐肩器虛護霽鬱陰後頤渠決決緣池西直

南折廡赴可宴可衙又東騫渠曰望月又東騫窮角池

斫雲曰柏有柏蒼官青士擁立與槐朋友巉陰洽色北

俯渠懂懂來刮級回西巽隅疑隅字間黃原珉天汾水

鈎帶白言謁行旦艮間遠岡青紫近樓臺井間點畫寮

可四時合奇士觀雲峯霜露雨雪所為發生收斂賦歌

詩正東曰蒼塘蹲瀕西濟望瑤翻碧漱光文切鏤黎深

撓撓收窮正北曰風隄乘攜左右隄勢北回股努端斗

揆力就墉銜渠欽池南楯楹景怪爚蛟龍鈎牽寶龜靈

麤薄文文章章陰欽呼墊呼咸恬烟漬霽聚桃李蕙蘭神

君仙人衣裳雅冶可會脫赤熱西北曰鼇蛭仄原開哈

儲虛明茫茫鬼眼頤耳可大客旅鍾鼓樂提鵬挈鷺伯

弼池豪渠憎乖憐圍正西曰白濱蒼深黎素女雪舞百

佾水翠披啍啍虛郭千幅迎西引東上長厓扶橫埭日或作

自卯酉樵途鴈徑幽委蟲鳥聲無人風日燈火之晝夜

漏刻詭婉毀魚絢化大小亭館池渠間走池隄上亭後前

陴乘墉如連山羣峰擁地高下如原隰谿壑水引古自

源三十里鑿高槽絕竇墉為池溝沼渠瀑淥潺終出汨

汨于筆切音骨非街街畦町阡陌間入汾巨樹木資土悍水沮

將預宗族盛茂旁蔭遠映錦繡交果枝香晚麗絕他郡考

其亭臺沼池之增蓋豪王才侯襲以奇意相勝至今過

客尚往往有指可創起處余退常吁後其能無果有不

否補建者池由于煬反者雅文安薛雅裴文安也發土築臺為

拒幾附於汙宮水本於正平軌病井涵生物瘠引古沃

漸人便幾附於河渠烏乎為附於河渠則可為附於汙
宮其可書以薦後君子長慶三年五月十七日記

蓮花峰

柳公權

王得臣癸巳歲從鼎臣兄自汝入秦冬十二月宿於北
華之野孤泉店到時日晚勢尚早鼎臣乃與予同登南
坡蘭若訪僧曰義海氣馥甚清談吐亦雅中夜圍爐因
話三峰事海曰去年初秋有士人風格峻整麻衣芒屨
荷笠而來祈宿者問其所至姓氏誰何答曰元冲姓王
來自天姥隱遯好奇遊陟諸山名迹盡東南之美矣惟
華山有蓮花峰之秀異未覲今則方俟一登海晒之謂

曰茲山峭拔若削自非馭風馮雲無有去理元冲曰賢人勿謂天不可昇但慮無其志耳僕知華陽川中有路志其幽尋焉海觀其辭氣壯厲亦然之元冲曰某明日去某日當屆山趾計其五千仞爲一旬之程亦足矣既上當燐烟爲信至時可來桃林南望發笈取一藥壺并火金懷之而去海書之壁及期先一日至桃林宿明日平曉嶽色清明無纖翳佇立數息間有白煙一道歛起蓮花峰頭海秘之二旬而元冲至曰前者入川中尋微徑縈紆至峯下憇一宿方登初登也雖險峻猶可重足一跡困則伏石庵中暮亦如之既及峯三分之一則壁

立青嶂莓苔冷滑石縫縱橫劣容半足以死誓志作氣
而登時遇石髮垂下接之以昇果一旬而及峰頂頂廣
約百畝中有池亦數畝菡萏方盛濃碧鮮妍四旁則巨
檜喬松竦擢霄漢奇花芳草不可識池側有破鐵舟觸
之則碎周覽已及取火金敲之揉枯荑以承之大木亦
有朽仆者拉其枝幹燂火焉既而循池玩花將折數蒂
又思靈境不可瀆只采取落葉數片及鐵舟寸許乃下
下之危峻復倍於陟海不覺前席執元冲手曰君固三
清之奇士也不然何能臻茲於是元冲盡以蓮葉鐵贈
海明日負笈而去莫知所終

七泉銘序

元結次山

道州東郭有泉七穴或吐於淵竇或繫願方於嵌臼皆澄
流清漪旋沚相奏又有叢石欹缺為之島嶼殊怪相異
不可名狀此邦豈世無好事者邪而今自古荒之乃脩
其水木為休暇之處每至泉上便思老焉於戲凡人心
清惠而必忠孝守方直終不惑也故命五泉其一曰漣
惠泉次曰漣忠泉次曰濤孝泉汭汭泉汭汭挂泉銘之泉
上欲來者飲漱其流而有所感發者矣留一泉命曰漫
泉蓋欲自旌漫浪不厭歡醉者也一泉出山東故名之
曰東泉引來垂流更復殊異各刻銘以記之

石魚湖詩序

漣泉南上有獨石在水中狀如游魚魚凹之脩之可以
踞^舉魚酒水涯四匝多歌石相連石上堪人坐水能浮小
舫載酒又能繞石魚洄流乃命湖曰石魚湖鐫銘於湖
上顯示來者又作詩以歌之

陽華巖銘序

道州江華縣東南六七里有回山南

一作東

面峻秀下有

大巖巖當陽端故以陽華名之吾遊處山林幾三十年
所見泉石如陽華殊異而可家者未也故作名稱之縣
大夫瞿令問藝兼篆籀俾依石經刻之巖下